



Broj: 16-12-16-7146-*12* /19  
I. Sarajevo, *06.11.* 2019. godine

Na osnovu člana 8. stav (2) točka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije Agencije za javne nabavke od 31.10.2019. godine u postupku javne nabavke lož ulja za potrebe Regionalnog ureda Mostar, Državne agencije za istrage i zaštitu, na preporuku Komisije II za nabavke za potrebe Državne agencije za istrage i zaštite za 2019. godinu broj 16-12-16-7146/19 od 04.11.2019. godine, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku lož ulja za potrebe Regionalnog ureda Mostar, Državne agencije za istrage i zaštitu

#### Član 1.

U postupku javne nabavke lož ulja za potrebe Regionalnog ureda Mostar, Državne agencije za istrage i zaštitu, putem Konkurentskog zahtjeva za dostavljanje ponuda korištenjem e-aukcije, ugovor o kupoprodaji 5500 litara lož ulja, dodjeljuje se ponuđaču „HIFA“ d.o.o. Tešanj, ponuda broj 16-12-16-7146-6/19 od 10.10.2019. godine, za ponudenu cijenu 7.990,00 KM bez PDV-a.

#### Član 2.

Ponuđač iz člana 1. ove odluke obavezan je ugovornom organu, u roku od pet dana od dana prijema ove odluke, dostaviti dokaze o ispunjavanju uslova iz toč. 3.1.1. Konkurentskog zahtjeva (original ili ovjerena kopija).

#### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

#### Član 4.

Za izvršenje ove odluke zadužuje se Sektor za materijalno-financijske poslove Državne agencije za istrage i zaštitu.

## Član 5.

Ova odluka stupa na snagu danom donošenja.

### O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-7146-1/19 od 25.09.2019. godine, pokrenut je postupak javne nabavke 5500 litara lož ulja za potrebe Regionalnog ureda Mostar, Agencije putem Konkurentskog zahtjeva, za koji je obavještenje o nabavci broj 1161-7-1-297-3-52/19 objavljeno na Portalu Agencije za javne nabavke 01.10.2019. godine. Procijenjena vrijednost javne nabavke je 9.400,00 KM bez PDV-a, a za što su novčana sredstva osigurana u okviru budžetskih sredstava za 2019. godinu, a na osnovu Odluke o privremenom financiranju institucija Bosne i Hercegovine i međunarodnih obaveza Bosne i Hercegovine za period juli-septembar 2019. godine („Službeni glasnik BiH“, broj 52/19).

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je točkom 6. Konkurentskog zahtjeva navedeno da je rok za dostavljanje ponuda 11.10.2019. godine do 13,00 sati, te da se ponude dostavljaju u zatvorenoj koverti, Komisija je dana 11.10.2019. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene tri ponude i to:

R.br.	Naziv ponuđača	Ponuđena cijena (bez PDV-a) u KM
1.	„HIFA“ d.o.o. Tešanj	9.460,00 KM
2.	„OIL-AC“ d.o.o. Mostar	9.460,00 KM
3.	„BTG“ d.o.o. Tomislavgrad	9.460,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja njihove prihvatljivosti u smislu Pravilnika, te kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda, Komisija je utvrdila da ponuđači „HIFA“ d.o.o. Tešanj, „OIL-AC“ d.o.o. Mostar i „BTG“ d.o.o. Tomislavgrad ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničke i profesionalne sposobnosti, te da ne uživaju preferencijalni tretman domaćeg.

Točkom 2.1.3. Konkurentskog zahtjeva traženo je između ostalog da je ponuđač dužan ponudenu jediničnu cijenu lož ulja dokazati dostavljanjem važećeg Obrasca o promjeni cijena i marži u maloprodaji ovjerenog od strane nadležnog organa (Federalnog ministarstva trgovine) za ponuđače sa sjedištem u Federaciji Bosne i Hercegovine. Uvidom u ponude ponuđača „HIFA“ d.o.o. Tešanj, „OIL-AC“ d.o.o. Mostar i „BTG“ d.o.o. Tomislavgrad Komisija je utvrdila da su navedeni ponuđači dostavili elektronske obrasce OPC i OPM Federalnog ministarstva trgovine bez ovjere nadležnog organa, odnosno Federalnog ministarstva trgovine.

Obzirom na navedeno Komisija je aktom broj 16-12-16-7146-10/19 od 21.10.2019. godine tražila od Federalnog ministarstva trgovine pojašnjenje da li su obrasci OPC i OPM koje su dostavili navedeni ponuđači važeći bez ovjere Federalnog ministarstva trgovine. Federalno ministarstvo trgovine je aktom broj 06-17-1179-OC/19 od 22.10.2019. godine utvrdilo da uvidom u evidenciju primljenih obavještenja o promjeni cijena i marži dostavljenim Federalnom ministarstvu trgovine, a u skladu sa Uputstvom o načinu, sadržaju i rokovima dostave obavještenja o promjeni cijena i marži pojedinih proizvoda i usluga („Službene novine Federacije BiH“, broj 20/19) obrasci koji se dostavljaju elektronskim putem su važeći i nije potrebna ovjera, tako da su i obrasci koje su dostavili navedeni ponuđači važeći.

Imajući u vidu navedeno, Komisija je utvrdila da ponuđači „HIFA“ d.o.o. Tešanj, „OIL-AC“ d.o.o. Mostar i „BTG“ d.o.o. Tomislavgrad ispunjavaju i formalno-pravne uslove iz Konkurentskog zahtjeva, te da su ponude navedenih ponuđača prihvatljive.

Budući da je Konkurentskim zahtjevom predviđeno da se za navedeni postupak javne nabavke 5500 litara lož ulja za potrebe Regionalnog ureda Mostar, Agencije provodi e-aukcija, Komisija je za prihvatljive ponude ponuđača „HIFA“ d.o.o. Tešanj, „OIL-AC“ d.o.o. Mostar i „BTG“ d.o.o. Tomislavgrad zakazala e-aukciju dana 31.10.2019. godine u trajanju od 15 minuta u periodu od 12,30 do 12,45 sati. Prema Izvještaju o toku i završetku e-aukcije od 31.10.2019. godine konačna rang lista ponuđača koji su učestvovali u e-aukciji je sljedeća:

Redni broj	Naziv ponuđača	Vrijednost ponude (bez PDV-a)	Rang
1.	„HIFA“ d.o.o. Tešanj	7.990,00 KM	1
2.	„OIL-AC“ d.o.o. Mostar	8.000,00 KM	2
3.	„BTG“ d.o.o. Tomislavgrad	8.440,00 KM	3

Shodno Izvještaju o toku i završetku e-aukcije, odlučeno je da se ugovor o kupoprodaji 5500 litara lož ulja za potrebe Regionalnog ureda Mostar, Agencije dodjeli ponuđaču „HIFA“ d.o.o. Tešanj, a kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE  
Perica Stanić

